



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 149. De traditione bonorum in villis Weredun, Vpweredun et Beverungun in pago Nithega ab Hadwy, forore abbatis Corb. Warini.

urn:nbn:de:hbz:466:1-36114

§. 149.

Cupiens aeterna temporalibus mutari et caducis super mensura acquirere tradidit *hadwy* mente deuotissima (g) ad reliquias fci protomartyris stephani nec non et fci uiti martyris pro redemptione uidelicet animae uiri sui *amalung* atque filiorum suorum *bennid* et *amalung* (h) quidquid habuit in *uweredun* (i) et in *upwueredun* (k) et

guber-
nante
Corbe-
iam Wa-
rino.

ter seu consanguineus fuerit Liutheri, qui in villa Tuistai §. 147. quaedam tradiderat, atque hi ambo inter progenitores nobilium dominorum de Horohufen referendi sint, id nunc quidem in medio relinquimus. Illud inficiandum non est, Horohufanos Nobiles inter antiquissimos nostrae Saxoniae esse numerandos.

- (g) Attende animum ad titulum insignem, quo salutatur *Hadwy* soror abbatis Corbeiensis *Warini*. Blanda haec uerba scriptor particulae huius codicis nostri dare potuit ad captandam abbatis sui *Warini* gratiam. Sed hoc mimine probabile. Id potius nobis uerisimilius uidetur, eo iam tempore *Hadwynam* tori conforte orbatam, et ipsam *Warini* nostri sororem, ut ab auctore coartaneo *Translationis S. Pufinae T. I. S. R. B. Leibn.* p. 182. appellatur, cogitasse, qua ratione vitam suam inter sacratas uirgines Herifordensis collegii transigeret. Indicari uero hoc loco sororem *Warini* et filiam ducis *Eberti* atque *Idae*, negari nequit, quia supra §. 125. *Cobbo* filius *Eberti* ducis atque abbatis *Warini* frater, eodem auctore teste l. c. auunculus *Amalungi* nominatur. Qui *Amalungus* hic filius *Amalungi* et *Hadwyne* nuncupatur. Dignissima haec sunt bona, ut considerentur accuratissime, quae *Hadwy* monasterio Corbeiensis hic donauit. Singulae enim uillae traditae non procul absunt a celebratissimo Saxonum castro *Brunonisburgo*, quod ad familiam *Ebertinam* seu *Ludolfinam* olim relatam esse, ex hoc etiam loco rectissime uidetur colligi posse. Sine dubio enim *Weredun* et reliquae uillae ad hereditatem *Hadwy*, filiae *Eberti* ducis, spectarunt. Ideoque eadem *Hadwy* ius ac potestatem habebat easdem uillas dandi monasterio nostro. Et quia locus Huexori situs in pago Auga, in quo Corbeia nostra erat, sine ullo dubio ad castrum *Brunonisburgum* quoque pertinuit, hinc ius *aduocatae Corbeiensis* etiam *Luidolfo* duci eiusque posteris cessit. Porro adde, quod *Adalardus* senior eiusque frater *Wala* fuerint fratres *Idae* ducis, ut iam supra demonstraui. Credimus itaque, *Adalardo* fratrique necessitudines fuisse in Saxoniam, et inde cogitationem de condenda apud Saxones noua Corbeia profluxisse.
- (h) Obserua ex his primo affinitatem familiae *Billinganae* cum illustrissima stirpe ducis *Eberti*, qui erat affinitate Carolo M. regi Francorum coniunctus. Porro admirare imprudenciam historicorum quorundam, qui *Hermanni* ducis Saxoniae patrem *Billingum* non erubuerunt diuitem rusticum Principatus *Luneburgici* appellare. Sane haec nugae, quae in ore omnium nondum euanescere, iam uero iclu corrumpunt. Nomen accepisse uidetur *Bennid*, *Amalungi* filius, a patruo suo *Bennitho* comite Saxoniae, qui patre *Amalungo* natus fuit, qui a Carolo M. noualia quaedam in *Buchonia* accepit, teste diplomate iam supra §. 104. not. (w) adducto, *Amalungo* autem fuisse a patre atque auo eiusdem nominis nomen inditum uidetur. Sator uero huius familiae *Amelungus* fuerit opulentissimus quidam dominus tempore Caroli M. oportet. Quamobrem huic stirpi in magnis deliciis fuisse apparet nomen istud eiusque monumentum. Fortassis ab uno horum *Amelungorum* uicis *Amelickhusen* in Principatu *Luneburgico* nomen traxit. Ab *Amelungo* autem, filio ipsius *Hadwy*, *Amelungeshem* in abbacia Corbeiensis, haud procul a uico *Weredun*, aedificata uidetur fuisse. Ab ea uilla post haec quidam ministeriales Corbeiensis, domini de *Amelungessen*, appellati fuere.
- (i) *Weredun* uilla hodie dicitur *Werden*, iacetque ad fluminis *Wiseræ* ripam, uix itinere dimidiae horae a castro *Brunonisburgo* in diocesi Corbeiensis disiuncta.
- (k) *Upwueredun* uilla desolata est, sita non procul a dicto uico *Werden*, e regione quidem castri *Brunonisburgi*, at sub radicibus montis *Wildborg*, ita appellati a uico castro *Wildborg*, quod quondam super montem istum exstitit, iam uero etiam desolatum est, paucis rudibus exceptis.

De uilla
Weredun.

De uilla
Upweredun.

Ab anno
867 usque
853 im-
perante
Hilodo-
uico et

et in *beuerungun* (l) cum omnibus pertinentiis eorum id est cum terris cultis et incultis siluis pratis pasuis aquis aquarumue decursibus exitibus et regressibus nec non et mancipiis utriusque sexus ad eadem loca pertinentibus huic traditioni praesentes affuerunt hi *bardo comes thiandger comes marchodo comes ecbert* adalold eyulf horid cado et alii LVII omnes autem huic traditioni praesentes fuere LXXV.

§. 150.

Tradidit hildlec et thiadbert in *falobus* (m) mansum unum cum filiis et pasuis testes habent horic uolchard uoohrid baddo et alii XI.

§. 151.

Tradidit abbe pro anima uiri sui in *dungun* (n) testes iidem qui supra.

§. 152.

Tradidit adalbold pro remedio animae matris suae suuanahild quidquid habuit in *budinesfeldun* (o) in *amriki* (p) testes ghiki uuulfrid folker maynhard bernulf et alii decem.

§. 153.

De villa
Beuerun-
gen.

(l) *Beuerungun* hodie appellatur *Beuerungen*, atque oppidulum est ad fluvium Visurgis ripam, vix iter dimidia hora a vico distans Werden. Olim spectauit locus ad iura principis Corbeiensis. Nunc vero refertur partim ad Corbeiensem abbatem, partim ad episcopum Paderbornensem. Iacent autem haec tria loca quasi in triangulo, atque olim erant, testante Registro nostro, in pago *Nerga*. Ipsa villis Godeleuesheim et Rehon, quae eodem in pago fuere, circumcluduntur.

De villa
Falobus.

(m) *Falobus* villa erat in pago *Nitbega*, iam desolata, olim in episcopatu Paderbornensi haud procul a Gerden vico sita.

De villa
Dungun.

(n) *Dungun* villa olim sita erat in pago *Auga*, dudum vero euersa, obuia in territorio Corbeiensi inter Lebendorf et Furstenauiam, vno milliari a nostra Corbeia distantem. *Abbe*, quae haec tradidit pro viro suo, videtur domina fuisse vel *Witmanni* comitis, vel *Herimanni* vxor, de quibus vide §. 118. et 93.

De villa
Budine-
feldun.

(o) De villa *Budinesfeld* in pago *Logne* intra principatum Gottingensem vide supra §. 33. not. (u). Sed non est extra omnem dubitationem positum, eandem villam *Bodensfeld* ad Wiseram hic designari. Quia enim, testante diplomate supra §. 139. allato, etiam villa quaedam *Budinesfeldon* fuit in pago *Nitberse*, quae villa desolata est non procul a vico Driborg in episcopatu Paderbornensi, vti iam supra diximus §. 87. perhibere quis posset, eundem vicum *Benvilte* hic indicari, quia certum est, pagum *Nitberse* seu *Nethga* ad Angariam pertinuisse. Quare delige, vtra placuerit. Mihi inter haec probabilissimum videtur, denotari *Bodensfelde* ad Wiseram, quae villa olim erat in pago *Logne*.

De An-
garia ve-
teri.

(p) *Amriki* videtur nomen corruptum. Non enim potuit propter pallorem, a veritate exortum, clare et distincte legi. Videtur substituenda vox *Angri* vel *Angeri*. Videtur scriptor codicis nostri indicare voluisse, villam *Budinesfeldun* in pago *Logne* vel *Nitberse*. Sciendum enim est, nostram antiquam Saxoniam olim diuisam fuisse in tres partes seu prouincias maiores, scilicet in *Saxoniam orientalem*, *Westfaliam*, atque *Angariam*, testante Widekindo nostro in *Annal.* Lib. I. p. 634. his verbis: *Geni Saxonum triformi genere ac lege prater conditionem seruilem diuiditur. A tribus etiam principibus totius gentis ducatus administrabatur, certis terminis exercitus congregandi potestate contentis, quos suis locis ac vocabulis nouimus signatos, in orientales scilicet populos, ANGARIOS atque WESTFALOS. Si autem vniuersale bellum ingrueret, sorte eligitur, cui omnes obedire oporteat, ad administrandum imminens bellum. Quo peractio aequo iure ac propria potestate vnus-* quis-